

腹脹條

夫腹脹由脾胃虛氣攻作也亦有實者必悶亂喘滿
可下之宜用紫霜丸白餅子不喘滿者虛也不可
下若誤下致脾虛氣上附肺而行肺與脾子母皆
虛肺主目胞腮之類脾主四肢母氣虛甚則目胞
腮腫也色黃者屬脾也治用塌氣丸漸消之未愈
漸加丸數不可以丁香木香桂枝荳蔻大溫散藥
一治之蓋脾虛氣未出腹脹而不喘者可以溫散藥
治使上下分消其氣則愈也若虛氣已出附肺而

王氏增補醫學正傳 卷之八
行則脾胃內弱每生虛氣入于四肢面目矣小兒
易爲虛實脾虛不受寒溫服寒則生冷証服溫則
生熱証當識此不可忽也胃久虛熱多生疸病或
引飲不止脾虛不能勝濕隨肺之氣上行于四肢
若水狀濕氣浸浮于肺則大喘也此當服塌氣丸
而愈

塌氣丸 治小兒虛脹如腹大者加蘿蔔子名曰褶
丸子

胡椒 一兩

蝎尾

去毒五錢一方二
味各四十九个

右爲細末麪糊爲丸如粟米大每服五七丸至
一二十九丸陳米湯下 一方有木香一錢

治小兒腹虛脹先服塌氣丸不愈腹中有食積結
糞小便黃微喘脉伏而實時欲飲水能食者可
下之宜消積丸紫霜丸益脾初虛而後結有積
所治宜先補脾而後下之後又補脾則愈也不
可補肺恐生虛氣

一方腹脹

蘿蔔子

紫蘇梗

乾葛

陳皮 各等分 甘草 少許

右水煎服食少者加白朮

腹痛多是飲食所傷

白朮 一錢五分 陳皮 去白 青皮 去穰各七分

山查 去核 神麴 炒 麥芽 炒

砂仁 各一錢 甘草 炙五分 有熱加黃芩

有寒加藿香吳茱萸

右為細末每服一錢七八分清米飲或白湯調下

腹痛口中氣溫而黃色目無睛彩或白睛多及多

睡畏食或大便酸臭者當磨積宜消積丸甚者

用白餅子下之後和胃用白朮散

白餅子 方見發搐條 白朮散 方見驚風門

消積丸

丁香 九粒 砂仁 十二箇 巴豆 一箇去皮心膜油

右為細末麪糊為丸如黍米大三歲已上三五

丸已下一二丸溫水下

心腹痛面觥白口中沃沫及清水出發痛有時當

作蛭虫治又曰凡積痛食痛虫痛寒痛大同小

異惟虫痛者當口淡而沫自出小兒本怯故胃
寒冷故虫痛而心頭痛與癘略相似但目不斜
而手不搖耳安虫散主之

安虫散 寶鑑用米糊為丸名安虫丸

胡粉 炒黃色

檳榔

川練子 去核

鶴虱 各二兩

白礬 二錢五分
分火焙

右為細末每服一字大者五分或一錢溫米飲

下臨痛時服

集効丸 治虫痛

木香

鶴虱 炒

檳榔

訶子

煨去核

蕪荑

附子

去皮臍
炮

乾姜

大黃

一兩
五錢

烏梅

去核二
錢五分

右為細末煉蜜為丸陳皮湯下或醋湯下一方

加黃芩黃連

一方治虫用鷄子炒白蠟塵酒糊丸服

一云治

寸白虫

一方治蛭虫作痛用二陳湯加苦楝根煎服或只

以苦楝根向東南生不出土者刮去粗皮取白

皮細切濃煎汁一盞徐徐飲之不可飲多先以
糖蜜或炒肉食之引虫頭向上然後服之看見
大小斟酌與之

小兒吃粽腹痛用白酒藥加黃連末合研湯調服
之即愈

一方治小兒腹痛

甘草 炙

乾姜

各二錢

伏龍肝

一兩

人參

茯苓

百草霜

白朮

各五錢

右為細末粥丸梧桐子大每服三五十丸陳皮

湯下

小兒夜啼作心經有熱有虛治

人參

黃連

姜汁炒各一錢五分

甘草

五分

竹葉

二十片

右細切分作二貼每貼加生薑一片水煎服一
本無人參

錢氏曰小兒夜啼者脾臟冷而痛也當以溫中之藥
宜益黃散及以法穰之花火膏之類

愚按上二說不同一曰心熱一主脾寒當審外證而區別之如面青白手腹俱冷不思乳食者寒也蓋夜屬陰陰盛則脾臟之寒愈盛脾為至陰喜溫而惡寒寒則腹中作痛曲腰而啼如面赤手腹俱煖口中氣熱者熱也蓋火屬心見燈則煩熱內生而陽相搏故仰身而啼外有面色白黑睛少腎氣不足至夜陰虛而啼也

花火膏

燈花 二顆 以乳汁調抹兒口或抹母乳上令兒

吮之

一治驚啼邪熱乘心也安神丸主之 方見前

一 小兒風痰壅盛

一 南星 五錢 切片以白礬湯泡曬乾

一 白附子 二兩

右二件共為末麪糊為丸如芡實大每服一丸
薑蜜薄荷湯化下

小兒痰熱骨蒸

二陳湯 五錢 加升麻 二錢 葛根

白芍藥

各一錢五分

人參

一錢

五味子

三十粒

右細切分作三貼加薑棗水煎服

又方治前證

胡黃連

檳榔

各一錢

陳皮

雷丸

各一錢五分

神麴

半夏麴

使君子

白花蓼

各一二錢

右為細末麴糊為丸如黍米大每服三五十九

白湯下

小兒解顱

乃頭縫不合也因母氣虛與熱多也

錢氏曰生下而顱不合腎氣未成也雖長必少

笑更有日白睛多面眇白色瘦者多愁少喜也

丹溪用四君子湯合四物湯有熱加黃連酒炒

煎服更以帛緊束及以白歛末敷之

小兒吃泥胃氣熱也用軟石膏黃芩陳皮茯苓白

朮煎服

小兒脫囊

陰囊腫大墜下而不收也亦有囊皮

脫爛者

木通甘草黃連當歸黃芩煎服囊爛

者以野紫蘇葉面青背紅者為末香油調敷皮

脫肛丸露者外以青荷葉包之敷藥後自生皮
脫肛 肛門馱腸頭脫下也 用東壁土泡湯先
薰後洗

又方治前證用五倍子爲細末敷而頻托入之
又方治前證用鱉頭燒存性香油調敷 一云以
此燒烟薰之良久自收

小兒赤瘤 俗名赤遊風也此蓋熱毒氣客于腠
理搏于血氣發于皮外赤如丹也用

生地黃

木通

荆芥 一本有

芍藥 桃仁 若寒帶表之藥外以芒硝泡湯洗
之又以芭蕉油塗之錢氏用白玉散敷之皆効
白玉散

白堊

音善白色
土也五錢

寒水石

一兩

右爲細末米醋或新汲水調

小兒臍中汁出并痛用白礬火煨枯乾敷或用黃
栢末敷之

癩頭用通聖散酒拌除大黃另用酒炒共爲末再
以酒拌焙乾每服一錢水煎外以白炭燒紅淬

入水中乘熱洗之更以胡萋子伏龍肝懸龍尾黃連白礬爲末油調敷之

又方治癩頭以松樹厚皮燒存性二兩黃丹火飛一兩白礬火枯黃連大黃各五錢白膠香火飛傾石上一兩輕粉四味共爲末香油調敷

丹溪治小兒二歲滿頭生瘡一日瘡忽自平遂患痰喘知其爲胎毒也詢其母孕時多食辛熱物遂以人參連翹黃連甘草陳皮川芎藥木通濃煎入竹瀝與之數日而安

尾骨痛屬陰虛有痰

陰虛用四物湯加炒黃柏酒知母少用桂爲引或以前胡木香爲引如痛不止加乳香沒藥

痰用二陳湯加知母黃柏澤瀉必用前胡木香爲引蓋陰虛故痰盛也如痛不止亦加乳香沒藥二法必先以玉燭散或通經散痰小胃丹大下後用之或神祐丸十棗湯皆可與治帶同小兒弄舌因脾臟有微熱令舌絡微緊時時虛舌舐之勿用冷藥及下之少與瀉黃散徐徐服之

有欲飲水者非熱也脾胃中津液少也不可下
若大病後弄舌者凶

瀉黃散

藿香葉

七分

梔子

一錢

石膏

五分

甘草

七分半

防風

去芦四分

右作一服用蜜酒炒香熟用水一盞煎至半去
粗時時與之

龜胸乃肺熱脹滿攻于胸膈卽成此胸又乳母多
食五辛熱物亦成此証宜瀉白散加黃芩

瀉白散

桑白皮

蜜水拌炒
黃色一錢

地骨皮

一錢

甘草

炙五分

加黃芩

一錢

右一服水煎

龜背兒生下客風入脊逐于骨髓卽成此証治之
以龜尿點骨節卽平 取龜尿法用蓮葉置龜
于上尿自出
重舌木舌乃小兒舌下生舌也

用三稜針于舌下紫脉刺之出惡血卽愈

又方用竹瀝調蒲黃末敷舌上神效

又方治小兒木舌塞口欲滿者用紫雪二錢竹瀝半合細研和勻頻敷口即愈

治小兒口瘡用鹽白梅

燒存性

紅棗

連核燒存性

鉛丹

火飛

人中白

火飛

龍膽

少許

共為細末敷之神效

治小兒鵝口瘡因白屑滿舌及兩腮故名鵝口用髮纏指頭蘸井花水拭口令淨又用濃煮粟米汁以綿纏筋頭拭之更以煨過黃丹摻之即愈

又方治鵝口瘡不能食乳用地鷄搗水塗瘡即愈地鷄即扁虫也人家磚石下多有之

治小兒口瘡瀉心湯用黃連為末蜜水調服

又方用黃柏細辛各等分為細末敷之

治小兒頰上生瘡痛痒難忍用白楊木枝燒于刀上出瀝敷之及治鵝口瘡神效

治小兒走馬牙疳方神效

白礬

枯

黃丹

飛

京棗

連核燒存性

右共為末敷之

又方治牙疳用白礬置于五倍子內煨過爲末敷之

治小兒臍風撮口因臍斷傷風或尿在胞中遂成臍風發熱面赤啼聲不出名曰撮口風

瞿麥 五分

蝟稍 四個

蜾蠃 七個

赤脚金頭蜈蚣 一條

右以四味作極細末用鷲毛管吹些少藥末入于鼻中如小兒噴嚏吐聲可治後用薄荷汁調與服之

痘疹

論

內經曰諸痛痒瘡瘍皆屬心火夫小兒痘疹之證最爲酷疾不日之間死生反掌蓋因胎毒藏于命門遇歲火大過熱毒流行之年則痘毒因之而發作矣一發則出于心肝脾肺四藏而腎無留邪者爲吉若初發便作腰痛見點則紫黑者多死蓋毒氣留于腎間而不發越故耳錢氏雖有百祥丸大下之法然活者十無一二大抵痘瘡之法多歸重于肺脾二經蓋脾

主肌肉而肺主皮毛故遍身爲之斑爛也其爲證也
宜發越不宜鬱滯宜紅活凸綻不宜紫黑陷伏瘡出
之後醫者當察色詳證以辨表裏虛實用藥其吐瀉
不能食爲裏虛不吐瀉能食爲裏實灰白色陷頂多
汗爲表虛紅活凸綻無汗爲表實又諸痛爲實諸痒
爲虛外快內痛爲內實外虛外痛內快爲內虛外實
裏實而補則結癰毒表實而復用實表之藥則潰爛
不結痂也如表虛者瘡易出而難靨表實者瘡難出
而易收裏實則出快而輕裏虛則發遲而重表實裏

虛則陷伏倒靨裏實表虛則發慢收遲治之之法三
日已前未見紅點必用升麻湯參蘇飲之類以發其
表務令微汗爲度若未汗如表猶未解雖畧見紅點
隱約于肌肉間而升散開發之劑尚未可除凡見出
遲發慢者根窠欠紅活者便當憂慮調攝切勿袖手
待斃夫古人用藥寒熱迥別主意不同醫者再宜臆
度寒暄推詳運氣而治如陳文中之木香散異功散
用丁附薑桂等峻熱之藥而與內經病機不合丹溪
論發揮其誤亦有用得其當者屢獲捷効若劉河間

張子和輩悉用芩連大黃等寒涼之劑丹溪亦曰酒炒芩連各解痘毒依法用之而獲安者亦不少也今之醫者往往不同依陳氏而行者多用熱藥宗劉張而治者多用涼劑是故不偏于熱則偏于寒此刻丹求劍之道也愚按內經有曰寒者熱之熱者寒之微者逆之甚者從之又曰逆者正治從者反治從少從多觀其事也陳氏用從治之法權也劉張用正治之法常也然皆不外乎參朮芪草芩歸茯苓芍藥等補氣血藥爲主治焉亦嘗有時令寒熱緩急施治不可

執一見也楊氏曰痘瘡發于肌肉陽明胃氣主之脾土一溫胃氣隨暢決無陷伏之患湯氏曰如疱人籠蒸之法但欲其鬆耳滄州翁呂復折衷衆說着方立論適中用藥寒熱攻補斟酌時宜未嘗執一治也學者能遵守其法而行之庶無一偏之患矣

丹溪治小兒痘方法

夫小兒痘瘡大抵與傷寒相似發熱煩躁臉赤唇紅身頭俱痛乍寒乍熱噴嚏呵欠喘嗽痰涎始發之時有因傷風傷寒而得有時氣傳染而得有因傷食發

熱嘔吐而得有因跌撲驚恐蓄血而得或爲目窵驚
搖如風之證或口舌咽喉肚腹疼痛或煩躁狂悶昏
睡或自汗或下利或發熱或不發熱證候多端卒未
易辨必須以耳冷尻冷驗之蓋瘍疹屬陽腎藏無證
其耳與尻俱屬腎故腎之所部獨冷又不若視其耳
後有紅脉赤縷爲之真如此可以稽驗矣治療之法
首尾俱不可妄下但溫和之劑兼而濟之解毒和中
安表而已虛者益之實者損之寒者溫之熱者清之
是爲權度昔人有喻云如庖人蒸籠之法但欲其鬆

耳蓋癘發于表如荷妄汗則榮衛益虛重令開泄轉
增瘡爛由是風邪乘間變証者多矣毒根于裏如苟
妄下則內氣益虛毒不能出而反入焉由是土不勝
水變黑歸腎身體振寒耳尻返熱眼合肚脹其瘡黑
陷十無一生汗下二說古人深戒以此觀瘡疹證狀
雖與傷寒相似而其治法實異傷寒從表入裏瘡疹
從裏出表故也解肌之法葛根升麻紫蘇之類可也
其或氣質煩躁熱熾大便秘結則與犀角地黃湯或
人參敗毒散又或紫草飲多服亦未利之故雖云大

便不通者少與大黃尤宜仔細斟酌不可妄用猛浪如小便赤澀者分利小便則熱氣有所滲而出凡熱不可驟遏但輕解之若無熱則瘡又不能發也

凡瘡疹春夏爲順秋冬爲逆

凡痘疹分人清濁就形氣上取勇怯

凡瘡疹但覺身熱証似傷寒疑似未明便當先與惺惺散或參蘇飲熱甚者升麻葛根湯人參敗毒散若見紅點便忌葛根湯恐發得表虛也

凡痘瘡初欲出時身發熱耳尻冷呵欠咳嗽面赤必是出痘之二候便宜服升麻葛根湯加山查大力子其瘡出必稀少而易愈

凡痘瘡初出時或未出時宜服後藥多者可少少者可無重者可令輕也一方用苦絲瓜近蒂三寸連皮子燒存性細研砂糖拌乾吃入硃砂尤妙又方以硃砂一味爲細末看見大小或半錢或一錢蜜水調服亦云多者可少少者可無

凡痘瘡發熱之時更以惡食子爲末蜜調貼顙門

免眼疾之患

凡痘瘡初出之際須看胸前若稠密急宜服消毒
飲加山查黃芩酒洗紫草減食者加人參

凡痘瘡初出之時色白者便當大補氣血參朮芪
芩升麻乾葛甘草木香丁香酒當歸白芍藥如
大便泄加訶子肉荳蔻

凡痘瘡初起發時自汗不妨蓋濕熱薰蒸故也甚
者當以參芪等實表之藥以防其難靨也

凡痘瘡初起發時煩躁譫語狂渴引飲若飲水則

後來靨不齊急以小藥解其標如益元散之類

凡痘瘡已出可少與化毒湯出不快者加味四聖
散紫草飲子紫草木香湯快班湯絲瓜湯之類

凡痘瘡出稠密甚者人參敗毒散犀角地黃湯

凡痘瘡疎則毒少密則毒甚宜以清涼之藥解之

酒炒芩連之類雖數服亦不妨庶無害眼之患

凡痘瘡爐灰色白淨者作寒看紫黑色者齊湧者

煩躁者作熱看黑屬血熱涼血爲主白屬氣虛

補氣爲主中黑陷而外白起得遲者則相蒸而

治之

凡痘瘡當分表裏虛實吐瀉少食爲裏虛不吐瀉能食爲裏實裏實而補則結癰毒陷伏倒靨灰白色者爲表虛紅活凸綻者爲表實表實而復實其表則潰爛不結痂也表虛不起發者或用燒人尿驗

凡痘瘡証分氣虛血虛用補藥氣虛者人參白朮加解毒藥血虛者加四物湯加解毒藥酒炒苓連合解毒 蓋苓連爲瘡家之要藥加以酒炒

以制其酸寒之性獨存清涼解毒之能是知痘瘡之証當用以殺其毒耳

凡痘瘡雖分氣血虛實大抵多屬氣血不足然當于不足中以別其優劣而以補氣血藥中分其輕重爲用以平爲期耳有挾外邪而實者少加防風等藥

大法活血調氣安表和中輕清消毒溫涼之劑調而治之此平治之法也溫如黃芪當歸木香葷涼如前胡乾葛升麻葷佐之以川芎白朮芍藥

王氏補遺醫學正傳 卷之八 瘡疹
枳壳桔梗羌活木通紫草之屬則可以調揖矣
黑陷二種因氣虛而毒氣不能盡出者酒炒黃芪
紫草人參等藥

凡黑陷甚者亦用燒人屎別用無病小兒糞存性
蜜水調服一方用人猫猪犬四糞于臘月燒灰
名萬金散

瘡塌者于形色脉上分虛實實則脉有力氣壯虛
則脉無力氣怯瘡以實表之劑加涼血藥實瘡
如大便不通者以大黃等藥涼之藥少與之下

其結糞氣怯輕者用淡蜜水調滑石末以鷺翎
刷瘡上潤之

瘡乾者宜退火止用輕清之劑荆芥薄荷升麻乾
葛之類

瘡濕者肌表間有濕氣也宜瀉濕藥白芷防風之
類蓋風藥能勝濕也

咽喉痛者如聖散鼠粘子湯

喘滿氣壅者麻黃黃芩湯

煩渴者甘草散烏梅湯

下利嘔逆者木香理中湯

顏色正者以前法平治則安將欲成就脚色淡者宜助血藥用當歸川芎酒芍藥之類或少加紅花以潤血色將成就之際脚色紫者屬熱用涼藥解其毒升麻葛根湯炒芩連及連翹之類甚者必用犀角蓋犀角大解痘毒

將靨時金白色如豈殼者蓋因初起時飲水多其靨不齊名曰倒靨不好宜服實表之藥及消息大小便何如大便秘宜利大便秘宜利小

便如小便赤澀者有大連翹湯甘露飲大便秘結內煩外熱者小柴胡湯加枳殼最穩當或少服四順清涼飲子

夫瘡疹用藥固有權度大小二便不可不通其大便看所下黃黑色其毒氣已盛不可多與熱劑但少用化毒湯可也或不用亦可若大小二便一有秘結則腸胃壅遏脉結氣滯毒氣無從發泄目閉聲啞肌肉黧黑不旋踵而變矣陷入者加味四聖散更以胡荽酒薄敷其身厚敷其足

噴其床帳衣被并以厚綿衣蓋之若未起獨聖散入木香煎服若其瘡已黑乃可用宣風散加青皮錢氏云黑陷青紫者百祥丸下之不黑者慎勿下余知其所下者瀉膀胱之邪也又云下後身熱氣溫欲飲水者可治水穀不消或寒戰者爲逆余知其脾强者土可以制水也百祥丸恐大峻當以宣風散代之瀉後溫脾則用人參茯苓白朮等分厚朴木香甘草各減半爲妙蓋瘡發肌肉陽明主之脾土一溫胃氣隨暢獨不

可消勝已泄之腎水平此錢氏不刊之秘旨也其壞瘡者一日內虛泄瀉二日外傷風寒三日變

黑歸腎

近時治痘瘡者悉宗陳文中木香散異功散殊不知彼立方之時必運氣在寒水司天之令及值嚴冬大寒爲因氣鬱遏痘瘡不得起發紅綻故用辛熱之劑發之其宜也今人不分時令寒熱一槩用之誤人多矣或有雖值溫熱之時山野農家貧賤之人其或偶中一二然而不可以爲

王氏補神醫學正傳 卷之八 痘疹 三
常法也

愚按陳氏木香散異功散二方乃素問從治之
法又謂之熱因熱用者也蓋痘瘡熱毒發鬱于
內而不得起發故用丁附木香桂心荳蔻等辛
散劫鬱之藥一二服劫而開之使其鬱于內者
盡因藥氣發越于外故痘子陷伏灰白色者皆
翕然紅活凸綻而內無遺邪矣切勿過劑如一
二服後劫不起者亦不可多與多則反助其毒
轉增黑爛咽閉鼓斗沉而死近世儒醫悉引內經
病機諸痛痒瘡瘍皆屬心火之語以正陳氏之
失此知常而不知權之論也故使後學狐疑不
決當用而不敢用是以袖手待斃哀哉

痘瘡初發時五臟形証

面及腮頰赤噴嚏

屬肺

呵欠頓悶

屬肝

時發驚悸

屬心

乍涼乍熱手足冷多睡

屬脾

尻涼耳涼腎之

平証

痘瘡五臟形色

肝臟發水疱

色微青以液為淚故疱色如水其

形小

肺臟發膿疱

色多白以液爲涕故膿稠濁如涕

其形大

脾臟發疹

脾爲裹血其色如淺黃或如糠麩其

形小如斑

心臟發斑

其色主血故純赤其形小次于水疱

腎臟居下獨不受穢毒故無候但耳尻冷耳若痘

瘡黑陷耳及尻反熱者爲逆

班痘所發之源

夫嬰兒之胚脾也必資胎養以長其形焉緣母失節慎縱欲恣食感其穢毒之氣藏之臟腑近自孩提遠至童稚值寒暄不常之候瘡疹由是而發因其所受淺深而爲稀稠焉其原實係于心一云相火之氣所爲故入于肺則成膿疱俗名豌豆亦名麻豆以相火乘金故尻冷也入肝肺則成水疹俗名麩瘡入于脾則成癩疹入于心則成班以火處于子母之分不傷皮毛彰君之德也或云瘡發焮腫于外者屬少陽三焦火也謂之班色小紅而行

于皮膚中出者屬少陰君火也謂之疹楊氏曰痘瘡發于肌肉陽明胃氣主之脾土一溫胃氣自暢土可勝水決無陷伏之患

辨內外因

凡瘡欲出而未出因發搐者是外感風寒之邪而內發心熱也宜王氏惺惺散或升麻葛根湯木香參蘇飲

凡瘡欲出未出而吐利者是中焦停寒或挾宿食也宜四君子湯加砂仁陳皮或和中散如挾宿

食者用紫霜丸

王氏惺惺散

白朮

炒

桔梗

去芦

細辛

人參

茯苓

甘草

括萎根

各三分

右七味細切入薄荷葉三片水一盞煎七分時時與服

升麻葛根湯

升麻

葛根

芍藥

炙甘草 各一錢

右作一服水一盞煎七分溫服無時

木香參蘇飲

人參 三分

蘇葉

桔梗

乾葛

前胡 各四分

陳皮

茯苓 各五分

枳殼 炒三分半

木香 一分半

半夏 五分

右一服加生薑二片水一盞煎至七分溫服

四君子湯

人參

白朮

茯苓 各一錢

甘草 五分

每服水一盞煎六分食前溫服加縮砂陳皮名

六君子湯

和中散

厚朴 姜汁制 炒一錢

白朮 五分

乾姜 炮

甘草 炙各三分

每服加生薑一片水一盞煎六分稍熱服

紫霜丸

杏仁

五十枚 去皮尖

赤石脂

一兩 另研

巴豆

三十粒 去膜油

代赭石

煨 礬 碎 一 兩 研

右各另研為末和勻湯浸蒸餅為丸如黍米大三歲以下兒二三丸八歲以上十數丸食前米飲或乳汁送下

辨形氣病

如瘡已出而聲不變者形病也瘡未出而聲變者氣病也宜補肺散加生芪 瘡出而聲不出者形氣俱病也形病身溫者宜解毒防風湯大便閉者

宜當歸丸

形氣俱病小兒稟賦素弱者宜先服

十奇散倍歸少加木香煎服

補肺散

阿膠

一錢半 炒成珠

牛旁子

炒二分

馬兜鈴

五分

甘草

二分半

杏仁

三粒 去皮

糯米

一錢 炒

加生黃芪

五分

右為細末分作二服水一小盞煎六分食後時

時與之

解毒防風湯

防風 去芦一錢

地骨皮

生黃芪

芍藥

荆芥穗

鼠粘子 炒各五分

右作一服水煎或為細末用溫水調服亦可

當歸丸

當歸 五錢

黃連 炒一錢五分

大黃 二錢五分

甘草 炙一錢

右先以當歸熬成膏子以下三味研為細末以膏和為丸如胡椒大三歲以下見十九七八歲兒二十九食前清米飲下漸加至以利為度

十奇散 卽托裏十補散又名十宣散出和劑方

黃芪

人參

當歸 各二錢

厚朴 姜制

桔梗 去芦各一錢

桂心 三分

川芎

防風

甘草

白芷 各一錢

右為細末每服一錢或二錢溫酒調下細切水煎亦可

辨三陰三陽經候

大陽病惡寒身熱小便赤澀出不快宜荆芥甘草

防風湯 少陽病乍寒乍熱出不快宜連翹防風湯 陽明病身熱目赤大便閉實瘡遍肌肉出不快宜升麻葛根湯加紫草

大陰病自利四肢逆冷宜附子理中湯木香散 少陰病瘡黑陷口舌燥宜四物湯加紫草紅花

厥陰病舌卷卵縮時發厥逆宜用 散 三陰病法當救裏故宜以溫藥助之

荆芥甘草防風湯

荆芥

薄荷

牛旁子

防風

甘草

灸各六分

右作一服水一盞煎六分稍溫服

連翹防風湯

連翹

防風

瞿麥

荆芥穗

木通

車前子

當歸

柴胡

赤芍藥

白滑石

蟬蛻

黃芩

紫草茸

各三分

灸甘草

一分

每服水一盞煎七分隨時大小量數輕重與之

大小便自利者不可用

升麻葛根湯 方見前每服加粳米五十粒紫草五

分煎服

又一方升麻湯 治斑在面

升麻 一錢

犀角

射干

黃芩

酒浸焙乾

人參

甘草

各五分

水一盞煎至六分食前溫服

理中湯

人參

甘草 灸

白朮

炮乾姜

各八分

右一服加炮附子二分甚者五分量見大小加

減水煎食前稍熱服

木香散

木香

大腹皮

人參

桂心

青皮

赤茯苓

前胡

訶子

煨去核

半夏

姜製

丁香

甘草

各三分

右一服加生姜三片棗一枚水煎量見大小加

減分數

異功散

木香

當歸

酒洗去芦

桂心

白朮

麩炒

茯苓

陳皮

厚朴

姜製

人參

肉蓯

麩裹煨

丁香

半夏

湯泡七次

附子

炮三分

每服加生姜三片大棗一枚水煎溫服

辨三陽証治 凡痘疹春夏為順當純陽之時也古

人治法與傷寒同

足脛熱

兩腮紅

大便秘

小便澀

渴不止

上氣急

脉紅數

已上七証不宜服熱藥

若瘡疹一發便密如蚕種布或如糠粃者合清表

宜連翹升麻湯或未出而先發搐是蕪外感風

寒之邪宜茶湯下解毒丸及犀角地黃湯瘡出

不快清便自調知其表當微發散升麻葛根

湯若瘡青乾黑陷身不大熱大小便澀滯是熱

蓄于內宜大黃湯下宜風散若表大熱者不可

下黑陷甚者百祥丸

若瘡已發稠密微喘渴欲飲水宜微下之當歸丸
及龐氏地黃膏外以黃柏膏塗面佳

值盛夏暑熱正熾適瘡大發煩渴大便實者宜玉
露散及甘露飲子或昏冒不知人時作搗搗瘡
倒靨黑陷者宜猪心龍膽膏

連翹升麻湯 卽升麻葛根湯加連翹一分是也

犀角地黃湯

犀角 鎊

生地黃

牡丹皮

赤芍藥

各等分

右水煎服

解毒丸

寒水石

研

石膏

研各一兩

青代

五錢

右以二石細研如粉入青代和勻湯浸蒸餅爲
丸如芡實大每食後新汲水化下一丸或細嚼
姜水下亦可三歲兒服半丸量歲數多少加減
服之

宣風散

王以增補醫學五傳
卷之八
三

檳榔 二枚

陳皮

甘草 各五錢

黑丑

四兩取頭
各一兩

右爲末量見大小以蜜湯調服

百祥丸

紅芽大戟

不拘多少陰乾將水煮極軟去骨日
中晒干復入汁中煮汁盡焙干爲末

右一味以湯浸蒸餅爲丸如粟米大每服三十
丸研碎升麻湯下量大小加減與之

龐氏地黃膏

生地黃

四兩

豆豉

半升

雄黃

一錢

麝香

五分

右以豬膏一斤和勻露一宿煎五六沸令三分
去一絞去渣下雄黃射香攪勻稍稍飲之毒從
皮膚中出卽愈

黃栢膏

黃栢

一兩去粗
皮酒炒

菜豆

一兩
去壳

甘草

四兩

右爲細末以生芝麻油調從耳前至眼眶並厚
塗之日三二次如用早能令瘡不至面縱有亦
稀少

玉露散 方見前吐瀉門

王海藏云非腎熱相火盛者不宜服此藥利北
方

甘露飲子

生地黃

熟地黃

並用酒洗

天門冬

麥門冬

枇杷葉

炙去毛

枳殼

麸炒黃色

黃芩

石斛

去根子

山茵陳

甘草

各等分

右一服水一盞煎六分食後溫服

猪心龍腦膏

梅花腦子

一字研

右取新宰猪心血一箇為丸如芡實大每服
一丸或半丸量兒大小與之紫蘇湯下或井花
水化下亦可

辨三陰証 凡瘡發于秋冬為逆當純陰之時也

足脛冷

腹虛脹

糞青色

面皎白

嘔乳食

目睛青

脉沉微

已上七證不宜服寒藥

痘瘡盛出四肢逆冷或自利係在大陰脾經宜急
溫之用異功散附子理中湯調中丸 痘瘡平塌
灰白色不澤此是正氣不足宜十補托裏散倍黃
芪加熟附子 或四肢厥逆時作搐搦係在厥陰
宜溫之異功散加防風青皮或和中散去乾葛霍
香加附子肉桂心

調中丸

白朮

五錢炒

人參

五錢

甘草

炙五錢

乾姜

炮四錢

右爲細末煉蜜爲丸如棗豆大每服多不過二
十九溫水食前送下

辨形氣不足

肺主氣氣不足則致後三証

自汗聲不出

瘡頂陷塌

不綻肥

並宜十奇散

自汗倍黃芪聲不出倍桔梗

心主血血不足則致後三証

灰白色

根窠不紅

不光澤

並宜芎歸湯加芍藥紫草紅花良驗

芎歸湯

川歸

川芎 各二錢半

右細切水煎服

辨表裏虛實

表裏俱實其瘡難出而易靨

表裏俱虛其瘡易出而難靨

諸痛為實 內快外痛為外實內虛

內痛外快

為內實外虛

諸寒為痛 凡瘡發身痛不為外寒所折則

厚密宜分而治之若紅點方見為寒所折而肉

體有熱宜木香參蘇飲輕者消毒飲或葛根升

麻加芍藥湯肉腠密者宜活血散勻氣散

諸痒為虛 凡血氣不足多痒此証所屬謂諸痒為

虛宜十補托裏散及木香散加丁香官桂胃主

肌肉尤宜四君子湯加芎歸木香紫草煎服或

患者不能忌口因食毒物而作痒者二物湯首

花膏或四君子湯加解毒藥

消毒飲

牛旁子

三錢炒一名羅子

荆芥 一錢

甘草

五分生用

防風

五分

右一服水煎加生犀角尤妙

葛根升麻加芍藥湯

升麻葛根湯倍芍藥是也

活血散

白芍藥

右為細末每服一錢溫水調下止痛用酒調下

尤驗王海藏云四肢出不快加防風一方用赤

芍藥

氣散

即濟生方八味順氣散加水香也

白朮

白茯苓

白芷

陳皮

烏藥

人參

各五分

甘草

炙二分半

木香

一分半

右一服水一盞煎七分服或細末酒調亦可

二物湯

蟬蛻

洗淨二十一个

甘草

炙一兩

右為末水煎時時服之

百花膏

石蜜

不拘多少略用湯和時時以鷲翎刷之瘡痂易落無痕

平治諸方

以平為期尚不失一

石壁胡氏曰小兒難任非常之熱亦不可任非常之冷如熱藥大過輕則吐利腹脹重則陷伏倒靨是宜溫涼適中可也仁齋楊氏曰諸熱不可驟去宜輕解之蓋痘瘡無熱則不能起發史氏曰比之種豆值天時暄煖則易生

凡值天時不正鄉隣痘瘡盛發宜服禁方不出方

三荳湯

油飲子

鳳龍肥骨

凡初覺豆瘡欲發當先解利與傷寒相類疑似之間兼用解表胡氏云非微汗則表不解解表當下紅班未見之時宜用 王氏惺惺散 錢氏惺惺散 張氏防風湯 升麻葛根湯 張氏四物解肌湯 參蘇飲

三荳湯

赤小豆

大黑豆

菉豆

各一升

甘草

三兩

右以三豆淘淨用水八升煮豆熟為度逐日空

心任意飲豆汁七日未不出

油飲子

真麻油 一升

右逐日飲盡未不出

已上三方出扁鵲倉公方

龍鳳膏

烏鷄卵 一个

地龍 一條活而小者

右以鷄卵開一小竅入地龍在內夾皮昏糊其竅飯鍋上蒸熟去地龍與見食之每歲立春日

食一枚終身不出疔瘡覺隣里有此症流行時

食一二枚亦好

錢氏惺惺散

方見前但一方有防風川芎減半

解毒防風湯

方見前

四物解肌湯

白芍藥

黃芩

升麻

葛根

各七分

右一服水一盞煎六分不拘時溫服

瘡出不快

活血散加防風湯

龐氏紅花湯

紅花子 一合

右以水半升煎百沸服之

紫草湯治瘡出不快及大便自利 一名紫草木香湯

紫草

木香

茯苓

白朮 一錢

甘草 五分

右一服入糯米一百粒水一盞煎六分食前時

服之

四聖散

紫草

木通

甘草

枳壳 麸炒黃色 各五分

右一服水一盞煎七分不拘時溫服

樺皮飲子

樺木皮 二兩

右用水一升煮取半升時時細飲

凡痘瘡出不快者有五症臨病審兒調之

一症天時嚴寒為嚴所折不能起發宜散寒溫表

冬三月寒甚紅班初見宜五積散正氣散參蘇飲楊氏調解散陳氏木香散

五積散

白芷

川芎

桔梗

芍藥

茯苓

炙甘草

川歸

肉桂

半夏

陳皮

枳壳

麻黃

蒼朮

乾姜

厚朴

右除肉桂枳壳二味別為粗末外一十二味細切慢火炒令轉色攤冷次入二味末令均作一服水一盞半入生姜三片煎至一盞去渣稍熱服之

正氣散

炙甘草

陳皮

藿香

白朮

厚朴

半夏

右作一服加生姜三片大棗一枚水煎服

調解散

青皮

陳皮

枳壳

三氏醫書卷之三

卷之三

八

桔梗

去芦炒

人參

半夏

泡七次

川芎

木通

乾葛

各四分

甘草

紫蘇

各二分

右作一服加生姜三片大棗一枚水煎服一方加紫草糯米

一證炎暑隆盛煩渴昏迷瘡出不快宜辰砂五苓散煎生地黃麥門冬調服身熱甚者小柴胡加生地黃煩渴而便實者白虎加人參湯輕者人參竹葉湯加生地黃煎服

辰砂五苓散

五苓散加辰砂細研為末是也

小柴胡湯

人參白虎湯

人參竹葉湯

俱見傷寒門

一證服涼藥損傷脾胃或胃虛吐利常溫中益氣宜理中湯吐利甚者加附子或陳氏異功散木

香薷薏丸

肉荳蔻丸

木香

砂仁

白龍骨

訶子肉

各五錢

赤石脂

枯白礬

各七錢半

肉荳蔻

五錢溫麩裹煨

右爲細末麩糊爲丸如黍米大每服二十九至五十九煎異功散送下

一証或成血疱一半尚是紅點此毒氣發越不透必不能食大便如常者宜半温裏半助養之劑用四聖散加減及紫草木香湯絲瓜湯阮氏萬全散湯氏安班湯

四聖散 紫草木香湯 方並見前

絲瓜湯

苦絲瓜 不拘幾個連皮子燒存性爲末

右每服一抄時時用米湯調下

此物發荳瘡最妙或以紫草甘草煎湯調服尤爲佳

阮氏萬全散 治痘瘡出不紅潤

防風 人參 蟬蛻 各等分

右細切每服四錢水一盞入薄荷三葉煎六分温服熱而實者加升麻

湯氏安班湯

紫草 木通 各五分 蟬退

防風

各三分

甘草

二分

右細切水一鍾煎五分溫服

一症外實之人皮膚厚肉腠密毒氣難以發泄因出不快宜消毒飲透肌散如大便秘實于消毒飲內加大黃梔子仁煎服瘡出大稠宜犀角地黃湯張氏解毒防風湯血氣不足宜十奇散咽嗑不利宜如聖湯加薄荷枳壳口中氣熱咽痛口舌生瘡宜甘露飲子驚風搐搦宜抱龍丸煩渴宜獨參湯黃芪六一湯

透肌散

紫草茸

綠升麻

粉甘草

各一錢

右細切水煎服或與消毒飲同煎服尤妙

如聖湯

桔梗

二錢

甘草

一錢

一方加牛旁子麥門冬各二錢

右細切水煎時服之

抱龍丸

見驚風門

辨外證逆順

王氏增補醫學五傳 卷之八
身體溫暖者順 寒涼者逆

能食大便實者順 不能食大便利者逆

辨外証輕重

輕者 作三次出耳中無 大小不一根窠紅
活 頭面希少肥滿光澤

重者 一齊並出瀉利而渴 如蚕種布身溫

腹脹 灰白色頭溫足冷

辨痘瘡初末形證

微者其邪在腑發爲細疹狀如蚊啄所螫點點赤

色俗名楚瘡 甚者其邪在臟爲痘瘡狀如豌豆

根赤頭白穴出膿水俗名痘瘡二三日始見微微

欲出如粟如黍或如菉豆或如水珠光澤明淨者

佳 四日大小不等根窠紅光澤者輕如稠密陷

頂并瀉者重六七日瘡形肥紅光潤者輕如身熱

氣喘口乾腹脹足指冷者重八日九日長足紅滿

蒼蠟色者輕如寒戰悶亂腹脹煩渴氣急咬牙者

重之至也十日十一日瘡當結靨痂欲落之時將

愈十二十三日當靨不靨者爲逆身熱稍利之以

防其餘毒身不壯熱或腹脹或瀉渴用十二味異
功散救之

辯不藥而愈

痘腳希踈 根窠紅綻 不瀉不渴 乳食不減

四肢溫和 身無大熱

已上六証並不須服藥惟宜善加調護須要房
室溫盜屏諸穢氣忌見外人毋犯房色及往來
婦人月水并腋臭者皆不可近惟宜燒大黃蒼
朮以辟惡氣勿宜燒沉檀降真乳香腦射幃帳

之內宜懸胡荽或以胡荽浸酒噴床帳并燒木
香爲佳夫痘瘡之毒最怕穢惡之氣觸犯切不可
信僧道看經解穢况無纖毫之力恐反被其
穢惡之氣觸犯亦不可恃其能解而不預防戒
之慎之

辨五不治証

痒塌寒戰咬牙渴不止 痘紫黑色喘喝不寧
灰白色陷頂腹脹 頭溫足冷悶亂飲水 氣促
泄瀉渴

辨疹有陰陽二證

赤疹屬陽遇清涼而消 白疹屬陰遇溫涼而減

傷寒時氣發斑附

溫毒發斑宜玄參升麻湯重用荆防敗毒散

胃爛斑因陽明胃實失下或下之大早所致宜化斑

湯龐氏石膏湯 時氣斑宜石膏湯 陽毒斑宜

陽毒升麻湯此乃胃實之人誤服熱劑或加以風

暑所致

玄參升麻湯

玄參 去芦洗

升麻

甘草 各一錢半

右水煎服

荆防敗毒散

柴胡

甘草

人參

桔梗

川芎

茯苓

枳殼

前胡

羌活

獨活

防風

荆芥穗 各四分

每服水一盞煎七分溫服或加薄荷五葉

化斑湯 卽白虎湯加玄參是

龐氏石膏湯

香豉 一合

菝白 五錢

石膏 一兩

梔子 一錢

生姜 五錢

大青

升麻

芒硝 各一錢五分

右一服用水升半煮取七合去粗下芒硝放溫

徐徐服之

陽毒升麻湯

升麻

犀角 鎊

射干

黃芩

人參

甘草

右各一錢作一服水一盞半煎至一盞食前溫

服之

辨瘡後餘毒

一毒氣流于大陰脾經則癰發四肢手腕并膝臑

腫痛宜消毒飲重者十六味流氣加附子或酒

浸大黃煎服及必勝膏蜆子等水敷之

消毒飲 方見前

十六味流氣飲

川芎

川歸

芍藥

防風

人參

木香

黃芪

桂心

桔梗

白芷

枳殼

厚朴

烏藥

甘草

紫蘇

枳壳

各四分

右作一服水一盞煎至七分服氣血虛而自利者加熟附子大便實加大黃

必勝膏

馬齒莧

榨汁

豬棗脂

石蜜

右以二味共熬為膏塗腫處

蠅子水

蠅子

不拘多少活者以水養五日旋取此水洗手面漸生肉無痕痕

一毒氣流于大陰肺經則臍內併手腕腫流為赤癰毒宜消毒飲如聖湯五福化毒丹雄黃解毒丸利之氣血虛者十補湯加桔梗枳壳犀角煎服咽喉不利或腫痛宜薄荷如聖湯

五福化毒丹 方見驚風門

每兩分作十二丸一歲兒一丸分作四服用薄

痘疹

荷水化下瘡餘毒上攻口齒涎血臭氣以生地

黃自然汁化一丸用翎刷入口內

如聖湯 方見前

雄黃解毒丸

鬱金

雄黃

研飛各一錢半

巴豆

去皮膜油四十粒

右為細末醋煮麩糊為丸如菜豆大每服二三丸熟茶清下量兒大小與之

一毒氣流入大腸則便膿血或下腸垢或大便秘結宜犀角地黃湯身煩熱渴黃連解毒湯勢盛

熱者小承氣湯下之

黃連阿膠丸

黃連

二兩

阿膠

炒成珠子一兩

茯苓

去皮二兩

右以黃連茯苓同為細末水調阿膠末搜和為丸如梧桐子大每服二十九丸溫米飲送下

駐車丸

阿膠

炒成珠醋煮膏

當歸

去芦各二兩十五兩

黃連

二十兩

乾姜

炮十兩

右為末以阿膠和成餅丸如梧桐子大每服二

十丸食前清米飲下日三服小兒丸如麻子大
量其大小加減

一痘瘡入眼宜决明散密蒙花散撥雲散蛤粉散

决明散

草决明

赤芍藥

天花粉

甘草

右各等分爲細末每服五分七食後茶清調下

密蒙花散

密蒙花

青柏子

决明子

車前子

右各等分爲細末用羊肝一片破而爲三摻藥
入肝內令勻却仍搗合并爲一以酒水濕紙七
重包裹于漚灰中煨熟勿令焦焙乾研末入射
香少許每服二錢重食後米飲調下

撥雲散

羌活

防風

甘草炙

柴胡加倍

右各等分爲細末每服二錢水一盞煎七分食

後卧服薄荷汁茶清或菊花苗煎湯調皆可忌
藏塩鮮醬濕麪炙燂炊氣一切發風動火之物
蛤粉散

穀精草

海蛤粉

各等分

右爲細末每服二錢七用猿猪肝少許以竹刀
批開摻藥在內捲了外以青筋若包裹麻線扎
縛定水一碗煮令熟入小口瓶內薰眼候溫取
食之日一服不過十服遂退

一熱毒流於三陽之後經則臆項結核腫痛宜荆防
敗毒散十補湯減桂服消毒飲倍加忍冬藤煎
服之

荆防敗毒散

十補托裏散

即十

消毒飲

方並見前

祖傳經驗效方

凡痘後不問癰毒發于何經初

起上紅腫時却用黑棗赤三豆以酸醋浸研漿
時時以鷺翎刷之隨手退去其効如神

一 小兒痘後二十日不大便其糞燥作痛垂死曾
用大黃芒硝枳壳巴豆等藥及用導法又服香
油一碗許俱不通愚令一婢以真麻油含口內

王氏增補醫學正傳 卷之八
用小竹筒一箇納谷道中吹油入腸內須臾即
通真良方也

古人治痘瘡要法

一 王氏指迷云痘瘡亦時氣之一端一人受症傳染
其餘又云瘡疹有熱則易出一出遍及于肌膚

一 張氏煥曰痘子氣均則出快蓋血隨氣行氣逆血
則滯 王氏曰疹者脾所生脾虛時旺藥之木能

一 勝土熱動心神而生驚 錢氏曰肝風心火二臟
交爭而致搖又曰痘症未形而先搖大忌涼心蓋

瘡屬心心主血心寒則血不能行痘欲出而不可
得也切須慎之大抵治驚惟平肝利小便均氣最
妙仁齋楊氏曰大熱當利小便宜五苓散導赤散
小熱當解毒宜消毒散四聖散

陷伏倒靨黑陷

一 証變壞歸腎黑陷宜錢氏百祥丸宣風散

一 証外感風寒所致冬時宜五積散減麻黃加桂
心紫草春時不換金正氣散加川芎白芷防風
或風邪所襲宜消風散加紫草兼服

一証乳食所傷內氣壅遏宜楊氏調解散或四君子湯加縮砂木香川芎紫草大便自利宜附子理中湯

一証或父母不謹犯房事月水及乳母腹氣穢濁諸忤所致宜阮氏辟穢丹焚而薰之仍以胡荽酒喫幃帳及懸胡荽于床帳中甚者以胡荽湯化下蘇合香丸兼塗薰亦妙聖制再甦散神効一証毒氣入裏黑陷宜猪尾神効
不換金正氣散

厚朴

姜制

藿香

去梗

甘草

炙

半夏

湯泡七次
去皮臍

蒼朮

米泔浸

陳皮

各五分

辟穢丹

右一服加生姜二片棗二枚水一盞煎服

蒼朮

北細辛

甘松

川芎

乳香

另研

降真香

各等分

右爲細末烈火焚之

今世俗例以黃茶燒烟

薰之最好

再甦散

治瘡觸犯毒氣入內

明白礬

地龍

去土炒
各一兩

右為末每服五分用猪尾血一椀斗許用新汲水少許不拘時調下

猪尾膏即前龍腦膏錢氏用小獐猪尾取血研用之凡痘瘡膿汁不乾蓋瘡出大盛表虛難醫以致膿水粘衣着席濕痛不能轉側宜白龍散敗草散等敷之

白龍散

黃牛糞日乾火煨成灰取心中白者為末帛包

撲之

敗草散

用葢屋及墻背上遠年腐草洗淨焙乾為細末帛裹撲之及鋪床蓆上佳

馮氏天花散治痘後失音

天花粉

白茯苓

桔梗

訶子肉

石菖蒲

甘草

右為末用水調半匙在碗內外以小竹七莖黃荆七條縛作一束點火在碗內煎臨臥服

凡孕婦身發痘瘡宜馮氏單胎散若胎動不安宜
獨聖散安胎飲身熱甚宜木香參蘇飲或瘡稠
密宜十奇散倍芍藥當歸減桂加香附烏藥如
胎已五月則半夏桂心之屬俱不必禁

單胎散

赤茯苓

白朮

川歸

白芍藥

赤芍藥

北柴胡

乾葛

人參

桔梗

條芩

防風

陳皮

荆芥

枳殼

紫草

阿膠

糯米

白芷

甘草

川芎

硝砂

大熱加鬱金

各三分

右作一服水一盞半煎至一盞乾柿蒂七箇野
苧根七寸甜瓜蒂一箇用銀器煎以荷葉蓋定
熬至八分去粗仍用荷葉蓋覆空心溫服

獨聖散

用連殼硝砂去殼爲末每服半匙溫酒調
下動則服服後覺胎熱則安矣

安胎散

大腹皮

酒洗淨焙乾再用黑豆汁洗

人參

陳皮

白朮

白芍藥

川歸

川芎

香附米

童便浸

砂仁

紫蘇

茯苓

甘草

右一服水一盞半燈草七莖糯米一撮煎一盞

食前溫服